

思南府志卷之八

誥勅

誥勅曷在諸志後也不敢用繫于志也不繫于志曷爲弗去也懼夫世遠或遺無以永昭

天命也是故載之冊末華終之義焉且見

天子龍光無遠弗被也世臣之家多有受僞命于草昧之時而猶珍藏以遺後者則悉削之不錄焉

承直郎副長官楊世榮

勅命一道

思南府志

卷之八

一

奉

天承運

皇帝勅曰朕君天下凡慕義之士皆授之以官爾楊世榮久居思南之地乃能委心効順今授以承直郎溶溪芝子坪長官司長官爾恪盡迺心遵律撫衆庶副委令之意爾宜勉之

洪武七年十一月二十四日

四川道監察御史申祐

勅命五道

奉

天承運

皇帝勅曰朝廷設監察御史欲其振紀綱勵風俗以弼承國家之治非得剛方清直之士曷克稱茲爾四川道監察御史申祐發身科第授職於斯比以隨征陷於戰陣勞苦可憫今特進贈爾階文林郎職如故錫之勅命以示褒嘉於戲人孰無死惟死於國事者爲至榮也爾尚祇服隆恩永慰冥漠

思南府志

卷之八

二

間於存沒哉四川道監察御史申祐故父俊鍾慶厥子効勞於國揆其所自宜有顯褒今特進爾階文林郎四川道監察御史靈其不昧尚克承之勅曰朕惟群臣之才固本於父而亦資母德焉存有褒榮沒有追贈此古人之通制也四川道監察御史申祐嫡母張氏訓成厥子効勞於國揆所自宜有寵褒今特贈爲孺人服此隆恩永光窀穸勅曰國家制推恩之典以寵任事之臣而必及其父母者所以嘉荅其生也四川道監察御史申祐生

母李氏訓成厥子爲國之用今特贈爾爲孺人靈其承之永光幽窆

勅曰國家推恩臣下而必及其家室者所以重大倫也四川道監察御史申祐妻李氏克謹婦道以相其夫茲特封爲孺人服此茂恩永光閨闈

景泰元年九月二十四日

戶部山東司郎中王治

誥命四道

奉

思南府志

卷之八

三

天承運

皇帝制曰國家任戶部以戶口田賦金帛之政而置屬特詳各分理於一方匪得其人曷克以稱爾行在戶部山東清吏司郎中王治發身胄監洊歷部屬迨更斯秩咸克慎勤茲特進爾階爲奉政大夫錫之誥命以示褒嘉服此隆恩懋脩不懈尚有顯爵以旌爾賢欽哉

初任刑部廣東清吏司主事

再任兵部武庫清吏司員外

三任戶部山東清吏司郎中

制曰朕於群臣之能官者必推恩於其親所以申褒榮之典而勸天下之爲子者也爾贈承德郎戶部山東司主事王瑄乃行在戶部山東清吏司郎中治之父履善守素蓄而未施慶鍾厥子登用於朝子旣敘升亦宜優進茲特贈爲奉政大夫戶部山東司郎中服斯顯命以賁九原

制曰親之愛子子之孝親皆欲貴之斯本天性君之體臣必因所欲而推恩焉爾贈安人郭氏乃戶部

思南府志

卷之八

四

山東司郎中王治之母慈惠善柔克敦母道爰致有子洙爲時用茲加贈爲宜人服此休嘉以慰冥漠

制曰朕於任職之臣旣推恩其親而又榮其配者所以明國典厚人倫也爾戶部山東司郎中王治妻贈安人楊氏秉性柔淑而不永年夫秩旣遷宜從其貴茲特加爲宜人祇承休命永慰溟漠

正統四年三月二十四日

蠻夷司長官安洛

勅命二道

奉

天承運

皇帝勅曰朕惟之治以天下爲家一視同仁無間遠邇所以上體天心廣綏懷之道也爾貴州思南府蠻夷長官司土官安洛自爾祖父以來世居邊徼恭事朝廷輸忠効力久而弗替爾能繼承其忠克承厥職良用爾家茲特賜爾昭信校尉錫之勅命以爲爾榮爾尚篤忠誠無忝厥職欽哉

思南府志

卷之八

五

勅曰人臣摠誠於用者必推恩以及其伉儷此朝廷之彝典也爾長官妻毛氏克助厥夫恭於臣職今勅封爲宜人爾其永光思命

成化六年八月二十六日

戶部廣西司員外郎安康

誥命四道

奉

天承運

皇帝制曰地官司國計掌錢穀而實生民休戚所係

故置屬特詳焉苟非得人奚稱任使爾南京戶部
廣西清吏司員外郎安康釋褐成均擢官司務迨
遷今職勤慎益彰宜有褒嘉以旌勞勛是用進爾
偕奉直大夫錫之誥命以爲爾榮爾其益秉公廉
以勵志節懋圖後效稱此隆恩欽哉

制曰國家任群臣既有爵位之錫而於其親復有推
恩之典者所以遂其顯揚之志也而何間於存沒
哉爾安逸乃南京戶部員外郎康之父慶鍾厥子
祿養乃違揆厥所自宜有寵褒茲特賜贈爾爲奉

思南府志

卷之八

六

直大夫南京戶部廣西司員外郎尚克承之永慰
溟漠

制曰親之訓子子之愛親莫不欲貴之肆朝廷褒寵
群臣而必及其親者所以示勸也爾張氏乃南京
戶部廣西司員外郎安康之母慈惠之善著于閨
門訓子有成宜推褒典茲特封爲大宜人服此茂
恩永綏祿養

制曰朝廷任用群臣而恩必及其伉儷者蓋重人倫
示優典也夫豈間於存沒哉爾戶部廣西司員外

郎安康妻何氏恪脩婦道善相其夫夫既顯榮而不偕老茲特贈爾爲宜人九原有知服斯寵命

弘治元年二月十一日

蠻夷司土官舍人安濂

勅命一道

勅貴州思南府蠻夷司土官舍人安濂國家先務養民爲先爾能出米一百碩用助賑濟有司以聞朕甚嘉之特給冠帶以榮其身今復賜勅以旌其義爾尚益敦仁惠表勵風俗以副朝廷之意欽哉故

思南府志

卷之八

七

勅

弘治四年二月十三日

徽府審理李冠

勅命四道

奉

天承運

皇帝勅曰人子報親之志莫切於顯揚朝廷待士之恩莫重於褒賜此國家之定制豈存沒之殊科爾李純乃徽府長史司審理冠之父善行積躬義方

教子賢勞方著祿養已違已有綸恩以彰善教茲特贈爲承德郎徽府長史司審理正卹命是承幽冥永慰

勅曰子之於母孝養蓋極其深君之於臣禮意必從其厚顯楊攸繫激勸所關爾熊氏乃徽府長史司審理李冠之母從夫順正治內嚴明篤成令子之才久著勤勞之績宜頒渥典以示褒嘉茲特封爲大安人欽服寵光益綿壽祉

勅曰國家建王國以處夫宗支必備官僚以治其政思南府志

卷之八

八

事顧惟審理之設實專訟牘之勞匪得其人曷稱茲選爾徽府長史司審理所審理正李冠發跡成均列官藩府才既優於聽斷志克謹於操脩閱歷寢深勤勞愈著宜加恩典以示褒榮茲特進爾階承德郎錫之勅命爾其益盡迺心用供厥職俾刑罰之允當斯名績爲有終欽哉

勅曰夫婦有齊體之義風化所關朝廷有並命之榮體文攸具況乃賢能之配可無推錫之恩徽府長史司審理所審理正李冠妻周氏出自華族嬪於

儒流儆戒相成儉勤自勵爰頒寵命以媿夫階茲
特封爲宜人益敦祇慎用副嘉名

嘉靖三年六月初三日

禮科左給事中田秋

勅命四道

奉

天承運

皇帝勅曰朕以祀典告成覃恩宇內凡任於朝者咸
得推錫其所生重報本也爾田顯文乃禮科左給

思南府志

卷之八

九

事中秋之父隱德弗耀名著鄉評餘慶所鍾發祥
厥子方以才望爲國近臣肇賜寵章昭賁不朽斯
爾之義訓有足徵哉茲特贈爲徵仕郎禮科左給
事中靈爽有知服茲寵命

勅曰人子之才雖本於父訓而資於母德亦深矣故
寵榮之命父母均焉爾汪氏乃禮科左給事中田
秋之母夙著內儀克成令子揆諸慈範宜賜寵褒
茲特封爲孺人茂服寵光益綿壽祉

奉

天承運

皇帝勅曰國家稽古建官置六科於禁中官以諫爲名官守言責實兼有之朕恒以非人爲憂爾禮科左給事中田秋奮登甲第佐郡有聲乃茲簡掄入居禁密官箴克懋忠藎著聞宜有命詞以示褒寵是用進爾階徵仕郎錫之勅命爾尚盡聰明之實以資予視聽庶于治道有裨爾職無忝欽哉

勅曰朝廷敷錫群臣必顯其家室實惟內助之賢有相成之道焉爾禮科左給中田秋妻張氏育秀儒

思南府志

卷之八

十

門配德名士賢而克相休有淑聲宜錫從貴之恩用伸齊體之義茲特封爲孺人尚克欽承永光閨闈

嘉靖十年正月二十一日

督工老人表方

思南府志卷之八 終

思南府志後序

古者郡邑有圖有志如家之
有譜國之有史所以紀沿革
著物產昭鑒戒非徒以飭吏
事廣人之聞見而已思南爲
貴陽屬郡僻在萬山中民性
質俚而俗尚簡陋古昔樸畧
之風猶存入我

皇明永樂以來始革去宣慰氏
而設郡立學於是土著之民
無幾而四方流寓者多矣文
教覃敷民俗漸化故士育於
學徃徃取科第登仕版可方
中州之盛焉顧惟郡志獨缺

文獻無徵識者不能無憾也
西麓田公汝力文與行符言
足信遠垂意於是志久矣乙
未冬予承乏來守是邦適公
讀禮家居之暇間偕推府董
君翬持幣以請公乃慨然執
筆因鍾郡博添菟輯志藁叅

以故老之傳聞考以舊家之
譜牒質以貴陽一統諸圖志
研精數月逮明年春服闋還
朝始脫藁出以示予予觀紀載
詳明刪潤嚴整信可以補一
郡之曠典也已遂捐俸資積
羨餘命工鋟梓以傳則夫後

之覽者計田賦而知公歛之
厚薄因物產而知民生之豐
約察宦跡而知吏治之得失
按人物而知士習之浮正俗
尙之澆淳其於政治之關係
豈不大且要哉然予於是竊
有感焉自開闢以來有此山

川肇此疆域中間賢達宦遊
生長於其地者不知何限使
非炳靈毓秀鍾此偉人又當
歲豐郡暇之時而創成此曠
典欲人之無遺憾也難矣由
是觀之則天下之事無巨細
無緩急類不易成若此顧以

予之淺薄無似其於是舉何能爲役而獲掛名於圖志之上分寸之功焉獨非幸歟志刻成聊贅數言於末簡以紀乎歲月如此

嘉靖拾伍年丙申冬拾貳月吉日

中順大夫貴州思南府知府
新安月峯洪价序



思南府志後序終

書思南府志後

嘉靖戊戌冬十有二月予始聞思南之

命茫然自失惕然心語思南西南邊徼也何以治何以訓復自念曰予嘗佐洪州之安成矣又嘗官繕比之曹郎矣清慎勤公而恕當官守身之法同守令六事

憲綱三十六條事神治民之要同同則推而達之引而伸之耳至於腹裏邊方風俗則異土授流除官屬則異苗獠土客人民則異異則必問而後知必

後語

一

講而後明惟安成有志部曹有職掌予得而考覈之惟安成有長有僚部曹有堂有屬皆科第名流予得而師承之因以塞違而寡過思南邊徼其亦有志否乎予爲長吏佐屬者其亦有人乎予何所考而師乎予聞貴藩八郡惟程番在西餘皆設省之東北隅其地之去省各不下千里來官於此者多內郡之士未即諳邊務且初履治境道不省經例不省謁無所受成各郡鄉大夫又多入仕中朝超陟內省無所考德予竊用懼焉己亥春三月勉

強承部符發龍江浮湖湘遡流而上入貴之境過
思州之施溪聞其新守梅山吳君省謁甫回乃愕
然喜曰有是哉予之願也梅山何見之同乎既而
入思南之境以夏六月十有八日始視篆肅賀客
于退食廳事見有木簣窿然其傍詢之侍吏應曰
志板也西麓田先生之刪定也今郡博鍾君之纂
次也先郡守洪君之校刊也又愕然喜曰有是哉
予之志也三君子何先得我心之同然乎亟於幕廳
取貳冊至捧而睨之不能捨去忻慰不自制者移

後語

二

時屬以蒞事之初百務旁午畧一閱之未暇玩索
越三日謁廟之餘遂有會城之行乃挈志登輿置
諸式函徃迈熟讀而潛玩之見其綱之有地里有
建置有田賦祠祀有官師人物色色具備井井有
條有不假詢訪而知講解而明者殆與安成之志
部曹之職掌同夫志同則治躰同職掌同則訓事
同可以邊徼視思南乎又見其目之沿革風俗井
泉里圖公署城郭關隘戶口均徭祠廟禮噐仕績
田租弭患每拳拳矚望于我長吏焉三君子茲志

之成豈特有功於思南爲一方之信史哉是誠我
之師也苟自其矚望者次第舉而行之思過半矣
自今以往不知駑鈍之才能副其志塞其違寡其
過以慰茲志之拳拳否乎幸二三僚屬共相與勉
旃於是乎書

嘉靖己亥夏六月吉旦中順大夫知思南府事中
都石塘張烈識

後語

三



思南郡志後序

志之采也匪直以識徃跡烜
後觀爾矣寔政教之攸寓也
夫廣谷大川厥制異也民生
其間厥俗異也匪政則離匪
教則嗇曷以通其變鼓之舞
之也是故內史掌邦國之志

外史掌四方之志以齊政也
先王省方觀民以設教也政
教洽則民氣樂風俗同渾噩
淳皞之化奚有哉思南之缺
茲典也厥惟舊矣添來職教
之三載昉與二三子蒐葺故
聞粗梗始括

郡伯月峯洪先生丕振人文
寔惟首事迺偕郡倅蘭谷董
先生以槩取正于
西麓田先生損益校劘罔或
浮漏緒甫就

兵憲豫陽田先生旌鉞適至
復加藻潤始得命諸梓焉夫

倡導之弗懿者教罔孚變通
之無會者政罔沛文式之不
廣者徵罔足三者無一離嗇
斯至是愚其民鬼其方也茲
典之創成也而豈徒哉政教
洽聞徵則昭在蓋至是而廣
輪可以識矣回美汙隆可以

鑒矣剛柔輕重遲速可以齊
矣山林川澤丘陵墳衍原隰
可以辨矣休哉安擾之道盡
矣哉變通鼓舞之道良矣哉
禮曰脩其教不易其俗齊其
政不易其宜諸君子猷也添
惟執役涸硯

嘉靖十六年歲次丁酉二月
吉旦思南府儒學教授楚鄖
鍾添謹書

思南府志後序終

